

金

匱

翼

金匱翼卷四目錄

尸疰

五尸 諸疰 鬼迷鬼擊

癲狂

驚癇

疸症

黃疸 穀疸 酒疸 女勞疸 陰黃

虛黃 表邪發黃 急黃

消渴統論 治法

水病

風水 皮水 石水 腎水

脹滿統論

脾脹 肝脹 膈脹 血脹 食脹

熱脹 實脹 虛脹

積聚統論

肥氣 伏梁 痞氣 息賁 奔豚 氣積

血積 瘕瘕 石瘕瘕聚 米瘕 肉積

通治諸積

金匱翼卷四

飼鶴山人尤

長洲後學徐錦炳南氏讀

尸注

五尸

惡氣所發。一病而五名也。其症令人寒熱淋瀝沉沉  
默默無處不惡。或腹痛脹急。不得氣息。上衝心胸。及  
攻兩脇。或礫硯踊起。或攣引腰脊是也。其得之疾速。  
如飛走狀者。名曰飛尸。停遁不消。去來無時者。名曰

遁尸。沉痼在人藏府者。名曰沉尸。衝風則發者。名風尸。隱伏積年不除者。名伏尸。然雖有五者之名。其爲鬼惡邪氣則一也。亦可通以一法治之。

雄黃丸 治卒中飛尸。腹痛脹急。上衝心胸及攻兩脇。或礮礫踊起。或攣引腰脊。

雄黃研 大蒜各一兩

二味搗丸如彈子大。每服一丸。熱酒化下。未差更服。

疾藜子丸 治同前

蒺藜子

炒去刺  
二兩

爲末蜜丸小豆大食後水下二十九

木香丸

木香

丁香

各三分

鬼箭羽

桔梗

當歸

陳皮

去白  
炒

紫蘇

微炒各  
一兩

白栝榔

煨  
四枚

桃仁

去皮尖雙仁炒  
黃色十四枚

右搗篩每服五錢水煎溫服無時日二

蒸熨方

治遁尸飛尸及風毒腫流入頭面四肢

芥子

蒸熟焙  
一斤

爲末。以鉛丹二兩拌勻。分作兩處。用疎皮袋盛之。更換蒸熱。以熨痛處。

麝香散 治卒中惡氣。心腹刺痛。

麝香 一分  
犀角屑 木香 各半兩

爲末。每服二錢。空心熱水調下。日二。未止再服。

又方

韭根

一握切

烏梅

十四枚

吳茱萸

湯浸焙乾二兩半

水五升。煮以病人櫛內其中。三沸。櫛浮者生。沉者死。煮三升。時飲之。

按櫛有通疏之用。浮屬陽。沉屬陰。陽主開而陰主閉。卒死客忤者。邪氣暴加。諸陽乍閉。得陽而開則生。得陰而閉則死也。

本事方云。飛尸者。遊走皮膚。穿藏府。每發刺痛。變作無常。遁尸者。附骨入肉。攻鑿血脈。每發不可得近見尸喪。聞哀哭便發。風尸者。搖躍四肢。不知痛之所在。每發昏沉。得風雪便作。沉尸者。纏骨結藏。冲心脇。每發絞切。遇寒冷便作。注尸者。舉身沉重。精神錯雜。常覺昏廢。每節氣致變。輒成大惡。並宜用太乙神精丹。



及蘇合香丸。及忍冬葉剉數斛。煮令濃。取汁煎之。如雞子大。一枚。日三。

頃在徽城日。嘗修合神精丹一料。庚申余家一婦人夢中見二蒼頭。一在前。一在後。手中持一物。前者云到也。未後應云到也。擊一下。爆然有聲。遂覺。覺後心一點。痛不可忍。昏悶一時許。予忽憶神精丹有此一症。取三粒令服之。遂至府。過少頃歸。婦已無病矣。云服藥覺痛止神醒。今如常矣。日後相識。稍有邪氣。與一二服。無不應驗。方在千金中。乃治中風之要藥。但

近世少得曾青磁石爲難合耳。

太乙神精丹 治客忤霍亂腹痛脹滿尸疰惡風

顛狂鬼語蠱毒妖魅。

雄黃

油煎七日

雌黃

硃砂

磁石

曾青

各一兩

金芽石

六錢

右各研細。將雌雄黃硃砂醋浸三日。曾青用好酒浸銅器中。紙封曝七日。如天陰用火焙乾。六味同研勻。用砂盆盛令藥滿。得三分許。以此准合子大小。先以赤石脂末固縫。外用六一泥固。

濟訖候透乾以晴明六合吉日別用泥作三個  
柱子高五寸令平穩如鼎足狀安合子下置炭  
火三斤逐漸添炭常令及五斤只在盒底不得  
過口煨五日爲度放冷水中浸合子候透剝去  
泥將合子輕手取開其藥精英五色畫在蓋上  
亦有三色者純白爲上研細棗肉爲丸如粟米  
大每服一丸米飲下如噤口牙緊幹開前齒灌  
下醒。

諸疰

疰者。住也。邪氣停住而爲病也。皆因精氣不足。邪氣乘之。伏于筋脈。流傳藏府。深入骨髓。經久不已。時發時止。令人昏悶。無不痛處。其因風邪所觸者。則爲風疰。臨喪哭泣。死氣所感者。則爲尸疰。鬼邪所擊者。爲鬼疰。其風疰之去來擊痛。遊走無常者。又爲之走疰。其他又有氣血溫涼勞泄等疰之名。病各不同。其爲停住不去。則一也。詳見千金外臺聖濟諸書。

羌活湯

治風疰心腹刺痛。上攻胸背。

羌活

橘紅

大腹皮

焙各三錢

桑白皮

一兩五錢

芎藭一兩 大豆炒一合

搗末每服三錢水煎溫服良久再服。

杏仁丸 治尸注。

杏仁去皮尖雙仁炒 亂髮灰各一錢

研勻和丸如小豆大每服五丸猪膏酒下。

八毒丸 治鬼疰中惡心痛癰積蠱注鬼氣。

雄黃研 珍珠研 礬石煨 巴豆去皮心炒去油

丹皮各一兩 附子去皮臍 藜蘆二兩 蜈蚣去頭足炙一條

右為末蜜丸如小豆大米飲下二丸得吐為效。

一方用雄黃礬石硃砂附子炮藜蘆丹皮巴豆各  
一兩蜈蚣一條爲末蜜丸小豆大每服五七丸  
冷白湯送下無時。

厚朴丸 治一切氣疰大腸結澁背膊刺痛及食  
物不消奔豚氣逆。

厚朴

薑汁炒  
一兩

桂心

大黃

醋炒各  
二兩

桃仁

去皮尖雙  
仁炒三兩

爲末蜜丸如小豆每服三十丸米飲下食後臨

臥服微利卽效。一方加附子二兩。

## 鬼迷鬼擊

鬼迷者。心氣不足。精神衰弱。幽陰之氣。乘虛而感。令人喜怒不常。情思如醉。或狂言驚怖。向壁悲嘯。夢寐多魘。與鬼交通。乍寒乍熱。腹滿短氣。不食。診其脈。人迎氣口。乍大乍小。乃鬼魅所持之候也。鬼擊之病。得之無漸。卒著人如矛戟所傷。令人胸脇腹滿。急痛不可按抑。或卽吐血。或卽下血。輕者獲免。重者或致不救。治宜符禁之法。兼辟邪安正之劑。

## 治鬼迷不醒方

雄黃一味。研如粉。吹入兩鼻中差。

安息香。取一皂子大。焚令煙起。邪自退。

治妖魅。病人不言鬼方。

生鹿角鎊一味。爲細末。每服一錢。言卽差。

治卒中鬼擊方。

雞冠血一味。澀口中。令下咽。仍破雞以榻心下。

冷卽棄于道旁。

肘後方 治鬼擊諸病。卒然著人如刀刺狀。胸脇腹內切痛。不勝抑按。或吐血。鼻血下血。一名鬼



排以醇酒吹兩鼻內良。

千金方

吹醋少許入鼻中。

癩狂驚癇

狂病多火而屬陽。或以謀爲失志。或以思慮鬱結。屈無所伸。怒無所洩。以致肝胆氣逆。木火合邪。乘于心則爲神魂不守。乘于胃則爲暴橫剛強。故治此者。以治火爲先。或痰或氣。察其甚而兼治之。

生鉄落飲

治痰火熱狂。墜痰鎮心。

生鉄

四十片

入火燒赤。砑上搥之。有花出如蘭如

蛾紛紛落地者。是名鉄落。用水二斗。煮取一斗。

用以煎藥。

石焦

三兩

龍齒

煨研

茯苓

防風

各一兩半

元參

秦艽

各一兩

竹瀝

一升

右咬咀。入鉄汁中。煮取五升。去滓。入竹瀝和勻。

溫服二合。日五服。

按此以重下氣。以寒抑熱之法。易老治一人病陽厥。怒狂罵詈。或歌或哭。六脈無力。身表如冰。發則叫呼高聲。因奪其食。又以大承氣湯下之。五七行瀉。渣穢數斗。身溫脈生而愈。蓋鉄落飲。以抑無形上怒之火。承氣湯。所以下有形內結之熱也。

真味丸 本事 治肝經因虛內受風邪臥則魂散而

不守狀若驚悸。

真珠

三分另研極細

乾地黄

當歸

各一兩半

人參

棗仁

柏仁

犀角

茯神

沉香

龍齒

各一兩

爲細末蜜丸梧子大辰砂爲衣每服四五十丸

金銀薄荷湯下日午夜臥各一服。

許學士云肝藏魂者也游魂爲變平人肝不受邪故臥則魂歸于肝神靜而得寐今肝有邪魂不得歸是

以臥則魂揚若離體也。此方以真珠母爲君。龍齒佐之。真珠母入肝爲第一。龍齒與肝同類故也。龍齒虎睛。今人例以爲鎮心藥。不知龍齒安魂。虎睛定魄。蓋言類也。東方蒼龍木也。屬肝而藏魂。西方白虎金也。屬肺而藏魄。龍能變化。故魂遊而不定。虎能專精。故魄止而有守。予謂治魄不寧者。宜以虎睛。治魂飛揚者。宜以龍齒。萬物有成理而不失。亦在夫人達之而已。

寧志膏

本事

人參

棗仁

各一兩

辰砂

五錢

乳香

二錢半

蜜丸彈子大。每服一丸。薄荷湯下。

一方有琥

珀。茯神石菖蒲遠志名人參琥珀丸。一方無

人參。用酒調服。名靈苑辰砂散。

一僧忽患癰疾。不得眠臥。諸藥不效。孫兆曰。今夜睡著。明後日便愈也。但有鹹物。任與師吃。待渴卻來道。至夜僧果渴。孫以溫酒一角。調藥一服與之。有頃再索酒。與之半角。其僧便睡。兩日夜乃覺。人事如故。人問其故。孫曰。人能安神矣。而不能使神昏得睡。此乃靈苑中辰砂散也。人

不能用之耳。

許學士云。子族弟緣兵火失心。製寧志膏與之。服二十粒。愈。親舊傳去。服之皆驗。

靈苑云。服辰砂散。訖便令安臥。不可驚覺。待其自醒。卽神魂定矣。萬一驚寐。不可復活。吳正甫少時。心病服此一劑。五日方寤。遂瘥。

安神丸 治癩痢驚狂痰火之症。能鎮心安神。

人參

茯苓

棗仁炒

當歸

生地

酒炒

黃連

酒炒

橘紅

南星

薑製各兩

夫竺黃 五錢

雄黃

牛黃

各二錢

琥珀

真珠

各二錢

爲末蜜丸桐子大硃砂爲衣米飲下五十九忌  
動風辛熱之物。

本事驚氣丸 治驚憂積氣心受風邪發則牙關

緊急痰涎昏塞醒則精神若癡。

附子

橘紅

天麻

南木香

僵蠶

白花蛇

麻黃

各五錢

蘇子

一兩

乾蝎

一分

南星

洗浸薄切薑汁浸一夕半兩

硃砂

一分



爲末。入龍腦麝香少許。同研極勻。蜜丸如龍眼大。每服一九。金銀薄荷湯化下。

許叔微云。此予家秘方也。戊午年。軍中有一人。犯法褫衣。將受刃。而得釋。神失如癡。余與一粒。服訖而寐。及覺。病已失矣。山東提轄張載揚妻。因避寇。失心已數年。余授此方。不終劑而愈。又黃山沃巡檢彥妻。狂厥者踰年。更十餘醫不驗。予授此方。去附子加鉄粉。亦不終劑而愈。鉄粉非但化涎鎮心。至如推抑肝邪。特異。若多恚怒。肝邪大甚。鉄粉能制伏之。素問云。

厥陽怒狂。治以鉄落飲。金制木之義也。

茯苓丸

辰砂

石菖蒲

人參

遠志

茯苓

茯神

鉄粉

半夏麴

胆星

各等分

爲細末。生薑四兩。取汁和水煮和丸。如桐子大。別用硃砂爲衣。每服十粒。加至二十粒。夜臥生薑湯下。此醫官都君方。余嘗用以療心疾。良驗。

鎮心丸

治心風狂言多驚迷悶恍惚

人參

茯神

犀角

各一兩

牛黃

鉛粉

各七錢半

硃砂

水飛

龍齒

研

胆草

天竺黃

研

遠志

生地

各半兩

金箔

五十片

鉄粉

七錢半研

爲細末。蜜丸。桐子大。每服七丸。竹葉湯送下。無

時。

溫胆湯

三因

治心虛胆怯。觸事易驚。或夢寐不祥。短

氣悸乏。或自汗譫妄不寐。合目則驚。此氣鬱生

涎涎與氣搏故變生諸症。

半夏

枳實

竹茹各一兩

橘紅一兩五錢

炙草四錢

每服四錢水一盞半生薑七片棗一枚煎七分。

十味溫胆湯 治症如前而挾虛者宜之。

半夏

枳實

陳皮去白各二錢 棗仁炒

遠志肉桂製甘草湯

熟地酒焙

竹茹

人參各一錢

茯苓一錢五分 炙草五分

水二鍾生薑五片紅棗一枚煎一鍾服。

滾痰丸

王隱君

方見痰門。

按癲狂之病屬痰熱相結多在肝胆胞絡之間余遇此症輒投礞石滾痰丸二三錢下膠痰如挑膠蜆肉者五升許卽愈若痰少熱多陽明內實者當如羅謙甫之治醜斯兀闌發狂熱渴用大承氣一兩半加黃連二錢以下其熱俾使通汗出乃愈。

丑寶丸

治一切癲癇怔忡。搖擗難治之疾。祛風

清火。豁痰。調氣。開心。定志。安神。鎮驚。

妙香丸 治驚癇百病亦治傷寒潮熱積熱結胸

發黃狂走燥熱大小便不通

巴豆

三百十五粒去皮心膜炒熟研如麵

膩粉

研

龍腦

研

麝香

研各三兩

辰砂

飛九兩

金箔

九十片研

研勻煉黃蠟六兩入白蜜三分同煉令勻爲丸每兩作三十丸白湯下二丸日二服

通涎散

治忽患癲狂不止或風涎暴作氣塞倒

仆

瓜蒂

五錢

爲末每服一錢井花水調下涎出卽

愈如未出含砂糖一塊下咽涎即出

鶴年予治崑山清水灣一人發狂先爲刺百會

神庭人中三穴後以

蜀漆

水拌炒熟

錢

龍骨

煨

牡蠣

煨各

錢

黃連

五分

生大黃

三錢

水煎服一劑即安

按狂症未有不從驚得者龍齒最能安魂者也

未有無痰者驚則氣逆氣逆則痰聚蜀漆最善劫

痰者也未有無火者火性炎上故登高而歌棄衣

而走黃連能瀉心火病屬陽明故用大黃以瀉之

釜底抽薪法也。鶴年



# 黃疸

已食如飢。但欲安臥。一身面目及爪甲小便盡黃也。此爲脾胃積熱。而復受風溼。瘀結不散。濕熱蒸鬱。或傷寒無汗。瘀熱在裏所致。是宜分別濕熱多少而治之。若面色微黃。而身體或青黑赤色皆見者。與純熱之症不同。當于濕家求之。

加減五苓散

茵陳

猪苓

白朮

赤苓

澤瀉

六茵陳湯

茵陳蒿 半兩 大黃 三錢 梔子 四枚

水三升。先煮茵陳減一半。內二味。煮取一升去滓。分三服。小便利出如皂角汁。一宿腹減黃從小便出也。如大便秘利者。去大黃。加黃連二錢。寇宗奭治一僧。因傷寒發汗不徹。有畱熱。面身皆黃。多熱。期年不愈方。

茵陳 各三錢 山梔 分 秦艽 各三錢 升麻 各四錢

爲散。每用三錢。水四合。去滓。食後溫服。五日病減。二十日悉去。

搐鼻瓜蒂散 寶鑑

瓜蒂 二錢 母丁香 一錢 黍米 四十粒 赤豆 五分

爲細末。每夜臥時。先含水一口。卻於兩鼻孔搐  
上半字。便睡至明日。取下黃水。

許叔微云。夏有篙師病黃症。鼻內酸疼。身與目黃如  
金色。小便赤澀。大便如常。此病不在藏府。乃黃入  
清道中也。若服大黃。則必腹脹爲逆。當瓜蒂散搐  
之。令鼻中黃水出盡。則愈。

孟詵方。

瓜蒂丁香赤小豆各七枚

爲末吹豆許入鼻。少時黃水流出。隔一日用。差乃止。一方用瓜蒂一味爲末。以大豆許吹鼻中。輕則半日。重則一日。出黃水愈。

穀疸

始於風寒。而成于飲食也。金匱云。風寒相搏。食穀卽眩。穀氣不消。胃中苦濁。濁氣下流。小便不通。陰被其寒。熱流膀胱。身體盡黃。名曰穀疸。又云。穀疸之爲病。寒熱不食。食卽頭眩。心胸不安。久久發黃。爲穀疸。茵

陳蒿湯主之。

茵陳蒿湯

即前大茵陳湯

此下熱之劑。氣實便閼者宜之。不然不可用。

茯苓茵陳梔子湯

實錄

治穀疸。心下痞滿。四肢

困倦。身目俱黃。心神煩亂。兀兀欲吐。飲食遲化。

小便瘀閼發熱。

茵陳

一錢

茯苓

五分

梔子

蒼朮

去皮炒

白朮

各三錢

黃連

枳殼

猪苓

澤瀉

陳皮

防己

各二分

黃芩

六分

青皮 一分

長流水煎去滓空心溫服。

梔子茵陳洩溼熱而退黃。黃連枳殼泄心下痞滿。熱能傷氣。黃芩主之。溼熱壅胃。一朮青皮除之。濕熱流注經絡膀胱。二苓防已利之。

胆礬丸

本事

治男婦食勞面黃虛腫。疰癬氣塊。

胆礬

無石者

黃蠟

二兩

大棗

五十枚

用石器入頭醋三升。下胆礬大棗慢火熬半日。取出棗子去皮核。次下黃蠟再熬一二時如膏。

入臘茶二兩同和爲丸。桐子大。每服二十九。茶清下。日三。

許叔微云。宗室趙彥才下血。面如蠟。不進食。蓋酒病致此。授此服之。終劑而血止。面色鮮潤。食亦如常。

治溼熱黃病。助脾去濕方。乾坤生意

針砂

糯米淘白。色以米醋于鉄銚內。浸一宿炒乾。再炒三五次。候通紅。二兩五錢。

陳粳米

半升水浸一夜。搗粉作塊。煮半熟。百草霜半兩。

右三味搗千下。丸如桐子大。每服五十九。用五

加皮牛膝根木瓜根浸酒下。初服若瀉。其病本

去也。

脾勞黃病方。摘元

鐵砂四兩醋炒七次乾漆燒存性二錢香附三錢平胃散五錢

爲末。蒸餅丸如桐子大。湯下。

萬病有積神方。先醒齋筆記

蒼朮厚朴薑汁炒橘紅甘草

查肉茯苓麥芽各二兩檳榔一兩

綠礬醋煨研細一兩五錢

爲末。棗肉丸梧子大。每服一錢。白湯下。日三服。



凡服礬者。忌食蕎麥河豚。犯之卽死。

予每治脫力勞傷。而黃能食。四肢無力。用造酒麴酒丸

平胃散加皂礬。取透針砂。淡醋湯下十九。日二。

### 酒疸

小便不利。心中懊懣而熱。不能食。時時欲吐。面目黃。或發赤斑。由大醉當風入水所致。蓋酒溼之毒。爲風水所遏。不得宣發。則蒸鬱爲黃也。

茵陳蒿湯 治酒疸。心中懊懣。小便黃赤。

茵陳蒿 葛根

赤苓 各五錢 升麻

秦艽

括蔞根

各三錢

山梔

五分

水煎三錢溫服。日二。以差爲度。

小麥飲

生小麥二合。水煎取汁頓服。未差再服。

大黃湯 治酒疸懊懣。脰腫洩黃。而發赤斑。

大黃

兩炒二

山梔

枳實

豉

炒三合

水煎四錢溫服。日二。加茵陳亦得。

葛根湯

濟生

乾葛

二錢

梔子

二錢

枳實

豉

各一錢

炙艸 五分

水煎溫服無時。

### 女勞疸

色慾傷腎得之。金匱云。額上黑。微汗出。手足心熱。薄暮卽發。膀胱急。小便自利。名曰女勞疸。蓋黃疸熱生於脾。女勞疸熱生于腎。故黃疸一身盡黃。女勞疸身黃額上黑也。仁齋云。脾與腎俱病爲黑疸。

凡房勞黃病。體重不眠。眼赤如硃。心下塊起若瘕。十死一生。宜灸心俞關元二七壯。及烙舌下。以婦人內

衣燒灰酒服二錢。

范汪亦云。女勞疸氣短聲沉者。取婦女月經布和血燒灰。空腹酒服方寸匕。日再。不過三日必瘥。

陰黃

病本熱而變爲陰。非陰症能發黃也。韓祇和云。病人三五日。服下藥太過。虛其脾胃。亡其津液。渴飲水漿。脾土爲陰濕所加。與熱邪相會發黃。此陰黃也。當以溫藥治之。如兩手脈沉細遲。身體逆冷。皮膚粟起。或嘔吐。舌上有胎。煩躁欲坐。臥泥水中。遍身發黃。小便

赤少。皆陰候也。

茵陳橘皮湯

韓氏

治身黃脈沉細數熱而手足寒。

喘嘔煩躁不渴者。

茵陳

橘紅

生薑

各一兩

半夏

茯苓

各五錢

白朮

二錢五分

水四升。煮取二升。分作四服。

小茵陳湯

韓氏

治發黃脈沉細四肢及遍身冷。

附子

一枚炮作八片

炙草

一兩

茵陳

二兩

水四升。煮取二升。分三服。一方有乾薑無甘

艸名茵陳附子湯。韓氏

茵陳理中湯 治身冷面黃脈沉細無力或泄而  
自汗小便清白名曰陰黃。

人參

白朮

炮薑

炙草

茵陳

右咬咀每服五錢水煎。

羅謙甫治真定韓君祥暑月勞役過度渴飲涼茶及  
食冷物遂病頭身肢節沉重疼痛汗下寒涼屢投  
不應轉變身目俱黃背惡寒皮膚冷心下硬按之

病脈緊細。按之空虛。兩寸脈短。不及本位。此症得之因時熱而多飲冷。加以寒涼過劑。助水乘心。反來侮土。先傷其母。後及其子。經所謂薄所不勝。而乘所勝也。時值霖霖。濕寒相合。此爲陰黃。以茵陳附子乾薑湯主之。內經云。寒濕於內。治以甘熱。佐以苦辛。淫瀦所勝。平以苦熱。以淡滲之。以苦燥之。附子乾薑辛甘大熱。散其中寒。爲君。半夏草蔻辛熱。白朮陳皮苦甘溫。健脾燥濕。爲臣。生薑辛溫。以散之。澤瀉甘平。以滲之。枳實苦辛。泄其痞滿。茵陳

苦微寒。其氣輕浮。佐以薑附能去膚腠間寒溼。而退其黃爲使也。煎服一兩。前症減半。再服悉愈。又與理中湯服之。數日得平復。

李思訓謂發黃皆是陽症。凡云陰黃者。皆陽壞而成陰。非原有陰症也。茵陳乾薑湯。是治熱症壞而成寒者之藥。學者要窮其源。蓋卽於本病主治藥內。加熱藥一味以溫之。如桂枝湯加大黃之意。

### 虛黃

病在中氣之虛也。其症小便自利。脈息無力。神思困



倦。言語輕微。或怔忡眩暈。畏寒少食。四肢不舉。或大便不實。小便如膏。得之內傷勞役。飢飽失時。中氣大傷。脾不化血。而脾土之色自見於外。金匱云。男子痿黃。小便自利。當與虛勞小建中湯。又畧例云。內傷勞役。飲食失節。中州變寒之病。而生黃者。非傷寒壞症。而只用建中理中。大建中足矣。不必用茵陳也。

### 表邪發黃

卽傷寒症也。東垣云。傷寒當汗不汗。卽生黃。邪在表者。宜急汗之。在表之裏。宜滲利之。在半表半裏。宜和

解之。在裏者宜急下之。在表者必發熱身痛。在裏者必煩熱而渴。若陽明熱邪內鬱者。必痞結脹悶也。

麻黃連翹赤小豆湯。發汗之劑。

麻黃

去節

連翹

炙草

生薑

各二兩

赤小豆

一升

杏仁

四十個

生梓白皮

一升

大棗

十二枚

勞水一斗。先煮麻黃百沸。去上沫。內諸藥煮取三升。分溫三服。半日服盡。

茵陳五苓散

滲利之劑。

茵陳蒿末 一錢 五苓散 五分

水調方寸七日三服。

柴胡茵陳五苓散 和解之劑

五苓散 一兩 茵陳 五錢 車前子 一錢

木通 一錢五分 柴胡 一錢五分

分二服。水一盞半。燈心五十莖煎服。連進數服。小便清利。愈。因酒後者。加乾葛二錢。

急黃

卒然發黃。心滿氣喘。命在頃刻。故名急黃也。有初得

病。身體面目卽發黃者。有初不知黃。死後始變黃者。此因脾胃本有蓄熱。穀氣鬱蒸。而復爲客氣熱毒所加。故發爲是病也。古云發熱心顫者。必發爲急黃。

瓜蒂散

廣濟

療急黃

瓜蒂

赤小豆

丁香

黍米

各二七枚

薰陸香

麝香

等分另研

青布

二方寸燒灰

右爲細末。白湯下一錢。得下黃水。其黃則定。

## 消渴統論

消渴病有三。一渴而飲水多。小便數。有脂如麩片。甜者。是消渴也。二吃食多。不甚渴。小便少。似有油而數者。是消中也。三渴飲水不能多。但腿腫腳先瘦小。陰痿弱。數小便者。是腎消也。古今錄驗

消渴大禁有三。一飲酒。二房室。三鹹食及麵。能慎此者。雖不服藥。自可無他。不知此者。縱有金丹。亦不可救。慎之慎之。

李詞部曰。消渴之疾。發則小便味甜。按洪範云。稼穡

作甘。以理推之。淋。飴。醋。酒。作。脯。法。須臾。卽。皆。能。甜。也。  
人。飲。食。之。後。滋。味。皆。甜。積。在。中。焦。若。腰。腎。氣。盛。則。上。  
蒸。精。氣。化。入。骨。髓。其。次。爲。脂。膏。其。次。爲。肌。肉。其。餘。則。  
爲。小。便。氣。臊。者。五。藏。之。氣。味。鹹。者。潤。下。之。味。也。若。腰。  
腎。虛。冷。不。能。蒸。化。於。上。穀。氣。則。盡。下。而。爲。小。便。故。甘。  
味。不。變。下。多。不。止。食。飲。雖。多。而。肌。膚。枯。槁。譬。如。乳。母。  
穀。氣。上。泄。皆。爲。乳。汁。消。渴。疾。者。穀。氣。下。泄。盡。爲。小。便。  
也。又。肺。爲。五。藏。之。華。蓋。若。下。有。煖。氣。上。蒸。卽。潤。而。不。  
渴。若。下。虛。極。卽。陽。氣。不。能。升。故。肺。乾。而。渴。譬。如。釜。中。

有水以板蓋之。若下有火力。則煖氣上騰而板能潤。若無火力。則水氣不能上。板終不可得而潤也。故張仲景云。宜服八味腎氣丸。並不可食冷物。又飲冷水。此頗得效。故錄正方于後云。

八味腎氣丸

方見腎勞

服訖後再服。後方以壓之。

黃連

二十分

麥冬

十二分

苦參

十分

生地

七分

知母

七分

牡蠣

七分

括蕒根

七分

爲末。牛乳爲丸。桐子大。暴乾。漿水或牛乳下。二十丸。日再服。病甚者。差後須服一載以上。卽永

絕病根。一方有人參五兩以上見本事方。

又療消渴日苦舌乾方。

麥冬

五兩

花粉

三兩

烏梅

十個

小麥

三合

茅根

竹茹

各一升

水九升。煎取三升。去滓分四五服。細細含咽。

療飲水不消。小便中如脂方。崔氏

黃連

括蕒根

各五兩爲末

生地汁和。併手丸如桐子大。每食後牛乳下五十九日二服。一方用生括蕒汁。生地汁。羊乳



汁。和黃連任多少。衆手捻爲丸。如桐子大。麥冬  
飲服三十丸。漸加至四五十丸。輕者三日愈。重  
者五日愈。名羊乳丸。

麥冬飲子 治膈消胸滿煩心短氣

人參 茯苓 麥冬 知母

五味子 生地 生甘草 葛根

括蕒根

右等分。咬咀。每服五錢。水二盞。竹葉十四片。煎  
至七分。去滓溫服。

河間云。心移熱於肺。爲膈消。膈消者。心肺有熱。胸滿煩心。津液燥少。短氣。久則引飲。爲消渴也。麥冬飲子主之。

麥冬丸 消渴之人。愈與不愈。常須慮有大癰。以其內熱而小便數故也。小便數。則津液竭。津液竭。則經絡澁。經絡澁。則營衛不行。營衛不行。則熱氣留滯。必于大骨節間發癰疽而卒。當預備此藥。除腸胃實熱。兼服消渴方。

麥冬

茯苓

黃芩

石膏

玉竹

各八分

人參

龍胆草

各六分

升麻

四分

枳實

五分

生薑

括蔞根

各十分

枸杞根

爲末。蜜丸。桐子大。茅根粟米汁下。十九。日二服。

若渴則與後藥。

括蔞根

生薑

麥冬汁

蘆根

各三升

茅根

切三升

水一斗。煮取三升。分三服。

冬瓜飲子

治消渴能食小便如脂。麤片。日夜無

度。冬瓜一箇。割開去穢。入黃連末十兩。仍將頂

蓋好。熱灰中煨熟。去皮細切研爛。用布取汁。每服一盞。日三夜二服。

葶藶丸 療消渴成水病浮腫方。

甜葶藶

隔紙炒

瓜蒌根

杏仁

麩炒黃

漢防已

各一兩

爲末。蜜丸。桐子大。每服三十九。茯苓湯下。日三。

白朮散 治諸病煩渴。津液內耗。不問陰陽皆可。

服之。大能止渴生津。

乾葛

二兩

白朮

人參

茯苓

炙草

藿香

木香

各一兩

爲粗末。每服三錢。水一盞半。煎至一盞。溫服。

猪肚丸 治消渴

猪肚

一具洗淨

黃連

白梁米

各五兩

花粉

扶神

各四兩

知母

三兩

麥冬

二兩

右六味爲末。內猪肚中縫塞。置甑中蒸極爛。乘熱入藥。臼中搗爲丸。若硬加蜜。九。梧子大。每服三十丸。加至五十丸。日二。

水病

風水

水爲風激而上行也。其脈浮而洪。其症骨節疼痛。惡風。而口四肢皆腫。是宜驅散風氣爲主。風去則水自下也。

麻黃附子湯

麻黃 三兩  
甘草 一兩  
附子 一枚

水七升。先煎麻黃去上沫。內諸藥煮取二升半。

溫服八分。日三。

此治風水挾寒之劑。

越婢湯

麻黃 六兩 石膏 半斤 生薑 三兩 大棗 十五枚

甘草 二兩

水六升。先煮麻黃去上沫。內諸藥煮取三升。分

溫三服。此治風水挾熱之劑。

香薷丸 外臺

乾香薷 五十斤

細剉內釜中。以水淹之。出香薷上數寸。煮使氣盡。去滓澄清。慢火煎令可丸。丸如梧子大。每服

五十九。日三稍加之。以小便利爲度。無所忌。

薺朮丸

乾香薺 一斤 白朮 七兩

先將白朮爲末。後濃煎香薺汁和丸。如桐子大。飲服十九。日夜四五服。利小便良。

五加皮散

和劑

五加皮 地骨皮 生薑皮 大腹皮

茯苓皮

以上三方。並苦辛淡利之法。東垣云。風水宜以



辛散之以苦瀉之以澹滲利之使上下分消其濕。

皮水

從肺閉得之蓋肺主諸氣而行水道肺閉則水不下行而泛溢皮膚狀與風水相似但不惡風爲異。

防己茯苓湯

防己

黃芪

桂枝

各三兩

茯苓

六兩

甘草

二兩

水六升煮取三升分溫服。

崔氏療大腹水腫。上氣。小便赤澀。頸脈動。不得臥方。

苦葶藶

五兩 炒 黑色

杏仁

二兩 炒黃

大棗

四十枚 飯上 蒸去皮核

先搗葶藶一百杵。再另搗杏仁三百杵。總和棗膏搗爛。丸如棗核大。空心服八九丸。日晚食消。更服五丸。米飲下。三日後平旦服五丸。晚服三丸。葶藶散 聖濟 治十種水氣。百方不愈。而口四肢俱腫。氣息喘急。眠臥不安。小便澀澀。腹脹氣悶。水不入口。命垂絕者。

椒目

微炒三兩

猪苓

澤瀉

四兩

牽牛

苦葶

炒六兩

加薑葱煎三錢酒半鍾冲服良久吃蔥白粥一碗酒一鍾而束熱服百日消盡。

白前湯

白前

二兩

紫苑

二兩

半夏

五合

澤漆根

三兩

水一斗。內藥誌水痕。後加水七升。微火煎令至痕邊。去滓。內藥六種。白朮

二兩

吳茱萸

五合

桂

心

三兩

人參

一兩

乾薑

一兩

括婁

五合

微火煎

取三升。分三服。小便當利。或瀉下。勿怪。氣卽降。腫卽減。

海藻散 治男子婦人通身浮腫。喘悶不便。

海藻

大戟

大黃

續隨子

去殼各一兩

剉碎。好酒二盞。淨盆內浸一宿。取出曬乾。後用

白牽牛

頭末一兩

滑石

半兩

甘遂

麩炒黃一兩

青皮

去白

橘紅

各半兩

肉豆蔻

一个

共前藥一處爲細末。每服二錢。平明淡茶清調下。至晨時取下水二三行。腫減五六分。隔二三

日平明又一服腫消忌鹽魚肉百日。小兒只用一錢五歲以下用半錢孕婦不可服。

石水

從膀胱不利得之。四肢瘦腹大腫是其症也。王太僕云。下焦爲分注之所。氣窒不利則溢而爲水也。亦名裏水。其根在少腹是也。

鯉魚澤漆湯

鯉魚

重五斤者一頭以澤漆五兩水二斗煮汁去魚

茯苓

三兩

桑白皮

三升澤瀉五兩

將後四味。內魚汁中煮取四升。去渣。分四服。小  
便當利。漸消也。忌酢物。千金翼有赤小豆。甘  
草。麥冬。人參。生薑。一方無澤漆。有赤小豆。白  
朮。陳皮。葱白。

千金療膀胱石水。腹腫四肢瘦方。

桑白皮

六兩

射干

茯苓

黃芩

各四兩

澤瀉

五兩

白朮

四兩

澤漆

一升

防己

一兩

大豆

三升

水五斗。先煮大豆取三斗。去滓澄清。取汁一斗。

下諸藥煮取三升分溫三服。

禹功散 張子和云。病水之人。如長川泛濫。非盃

杓可取。必以神禹決水之法治之。故名禹功散。

黑牽牛頭末

四兩

茴香

一兩炒  
爲末

每服一二錢。以生薑自然汁調下。當轉下氣也。

### 腎水

腎爲水藏。而元陽寓焉。腎虛陽弱。水無所制而泛溢。肢體浮腫。咳嗽喘急。腰重足冷。小便不利。或因脾胃虛弱。治失其宜。元氣復傷。而變症者。非金匱加減腎

氣丸不效。

金匱腎氣丸

白茯苓 三兩 附子 五錢 牛膝 官桂

澤瀉 車前 山萸肉 山藥

丹皮 各二兩 熟地 四兩

爲末。和地黄膏煉蜜丸。桐子大。每服七八十丸。  
空心白湯下。



## 脹滿統論

二陰一陽發病。善脹。心滿善噫者。腎膽同逆。三焦不行。氣畜於上也。

三陽盛。入於陰。病臍脹而頭痛。言三陽之邪盛也。盛則滿。滿則溢。而入於陰之分矣。夫頭爲陽。腹爲陰。陰病故腹脹滿也。

有所墮墜。惡血留內。腹中滿脹。不得前後。此上傷厥陰之脈。下傷少陰之絡。腹脹屬脾胃者。則飲食少。屬他藏府者。則飲食如常。其脹在皮膚孫絡之間者。飲

食亦如常。其在腸胃有膜之間者。則飲食亦少。其氣壅塞於五藏。則氣促急。不食而病危矣。是故病在表者易治。在府者難治。入藏者不治。

腹脹滿。氣不通者。加厚朴以破滯氣。腹中奔悶。此非腹脹滿。乃散而不收。可加芍藥收之。是知氣急而脹宜厚朴。氣散而脹宜芍藥以收之。

### 脾脹

濕氣歸脾。壅塞不行。其脈濡。其體重。其便不利。大便澀而不暢。經云。諸溼腫滿。皆屬於脾。又土鬱之發。民

病心腹脹跗腫是也。又脾土受溼不能制水。水漬於腸胃而溢於皮膚。漉漉有聲。怔忡喘息。卽爲水脹是也。

小溫中丸 治脾虛肝實不能運化不可下之。

陳皮 半夏 神麴 茯苓 各一兩

白朮 二兩 生香附 針砂 醋炒紅各一兩五錢

苦參 炒 川連 炒 厚朴 各半兩 甘艸 三錢

爲末。醋水各一盞。打糊爲丸。桐子大。每服七八十丸。白朮六錢。陳皮一錢。生薑一片。煎湯吞下。

虛甚加人參一錢病輕者服此九六七兩小便

即長病甚者服一斤後小便如常。

胃苓湯 和脾胃去濕消脹

蒼朮 厚朴薑汁炒 陳皮 白朮

茯苓各一錢 澤瀉 猪苓各一錢 甘草六分

官桂五分 加薑煎

禹餘糧九二因 許學士朱丹溪云此方乃治膨脹

之要藥。

蛇含石大者三兩置新鉄錢上入炭火中燒與錢子一般紅傾入醋中候冷取出研極

細。禹餘糧石 三兩 真針砂 五兩 淘淨炒乾。入餘

銅器內煮乾為度。置錢上入炭中燒紅。須淨磚上候冷研細。

以上三物為主。其次量人虛實加入下項。

羌活 木香 茯苓 川芎

牛膝 酒浸 桂心 白薤 炒 茴香 炒

蓬朮 附子 青皮 京三稜 炮

白蒺藜 當歸 酒浸各半兩

為末。入前末拌勻。以湯浸蒸餅。搥去水。和藥再杵極勻。丸如桐子大。空心溫酒。白湯下三十丸。

至五十丸。最忌鹽。一毫不可入口。否則發疾愈甚。但試服藥。卽於小便內旋去。不動藏府病去。日二三服。兼以溫和調補氣血藥助之。真神方也。

### 肝脹

怒動肝火。逆於中焦。其症口苦脈弦。脇及小腹脹滿。或痛發則身熱氣逆是也。

### 左金丸

黃連

六兩

吳茱萸

一兩

粥爲丸。椒目大。每服三十九。白湯下。

按繆刺論。謂有所墮墜。惡血留內。腹中滿脹。不得前後。先飲利藥。此上傷厥陰之脈。下傷少陰之絡。是火逆之外。又有血滯一症。火無形。以苦辛平之。血有形。故以利藥行之。

新定

赤芍

生地

歸尾

桃仁

各一錢

紅花

香附

童便浸二錢

大黃

酒浸一錢半

丹皮

青皮

醋炒各八分

肝服 臍服

膈脹 即氣脹

胸膈脹滿也。經云濁氣在上。則生膈脹是也。宜升清降濁。蓋清不升則濁不降也。又七情鬱結。氣道壅隔。上不得降。下不得升。腹大而四肢瘦削。即氣脹也。

木香順氣湯

木香 蒼朮 草薢 青皮

益智仁 陳皮 澤瀉 茯苓

半夏 乾薑 吳茱萸 升麻

柴胡 各一錢 厚朴 四分 人參 當歸 各五分



水二盞煎一盞食前溫服。

通幽湯 東垣云。濁陰本歸六府而出下竅。今在上。是濁氣反行清道。氣亂於中則脹作矣。治在幽門泄其陰潤其燥使幽門通利大便不閉則濁陰得歸下地。臍脹腹滿俱去矣。

當歸

升麻

桃仁

紅花

甘草

炙各一錢

生地

熟地

各五分

一方加枳殼五分

本方加大黃麻仁名當歸潤腸湯治同。

血脹

汚血成積石瘕之屬也。經云石瘕生於胞中。寒氣客於子門。子門閉塞。氣不得通。惡血當瀉不瀉。衃以留止。日以益大。如懷子狀。可導而下。

經驗桃奴丸

桃奴 延胡索 殺鼠糞 香附

官桂 砂仁 五靈脂 桃仁去皮尖 各等分

爲末。每服三錢。溫酒調下。

雞矢醴散宣明

大黃 桃仁去皮尖 乾雞屎各等分

爲末。每服二錢。水一盞。薑三片。煎湯調下。

奪命丹 治瘀血入胞衣。脹滿難下。服此血卽消。

胞衣自下。

炮附子

半兩

牡丹皮

一兩

乾漆

一兩碎之  
炒令煙盡

爲末。醋一升。大黃末一兩。同熬成膏。和勻。丸如桐子大。溫酒下五七丸。

食脹

一名穀脹

飲食過節。停滯中焦。其症吞酸。噯氣。惡聞食臭。得食則益甚。經云。飲食不節。起居不時者。陰受之。陰受之。

則入五藏。入五藏則臍滿閉塞是也。是宜消而去之。甚則下之。所謂中滿者瀉之於內也。

枳實導滯丸

大黃 一兩

枳實 麩炒

黃芩

黃連 俱酒炒

焦神麴 各五錢

白朮 土炒

茯苓 三錢

澤瀉 二錢

為末蒸餅為丸。

人參丸 外臺

療久心腹痛脹痰飲不下食。

人參

白朮

枳實 各六分

厚朴

青木香

大黃

檳榔 各六分

茯苓 八分

橘皮 五分

蜜丸桐子大。生薑大棗煎湯送下。二十丸。日二服。漸加至三十丸。

無碍丸 治脾病橫流四肢脹滿。

木香 五錢 京三稜 炮 蓬莪朮 炮 檳榔

郁李仁 湯浸去皮 各一兩 大腹皮 二兩

爲末。炒麥芽粉糊丸。桐子大。每服二十丸。生薑湯下。

熱脹

熱聚於裏。口乾便閉。經云。諸腹脹大。皆屬於熱是也。

枳殼剉散 治熱症脹滿。

厚朴

枳殼

桔梗

各半兩

炙草

一錢

大黃

蒸三錢

剉每服三錢。薑五片。棗二枚。烏梅一枚。煎服。

愚按熱脹有二。假令外傷風寒有餘之邪。自表入裏。寒變爲熱。而作胃實腹滿。仲景以大承氣下之。亦有膏粱之人。濕熱鬱積於中。而成脹滿者。宜清熱導濕。東垣中滿分消丸主之。

中滿分消丸 治中滿熱脹有寒者勿用。

黃芩

二錢

黃連

炒五錢

薑黃

白朮

人參

炙草

猪苓

各一錢

茯苓

乾薑

砂仁

各二錢

枳實

半夏

各五錢

厚朴

薑製一兩

知母

炒四錢

澤瀉

陳皮

各三錢

爲末。蒸餅爲丸。如桐子大。每服百丸。熱白湯下。食後量病人虛實加減。

寒脹

其症有二。有寒氣襲表而脹於外者。經云。膚脹者寒。

氣客於皮膚。壅壅然不堅。腹大。身盡腫。皮厚。以手按其腹。窅而不起。腹色不變。此其候也。有寒氣入裏而脹於內者。蓋陰氣凝聚。久而不散。內攻腸胃。則爲寒中。脹滿泄利之症。經云。藏寒生滿。病是也。在表者。溫而散之。在裏者。溫而行之。

溫胃湯 治冷則氣聚。脹滿不下食。

熟附子

當歸

厚朴

人參

半麴

橘紅

生薑

各一兩

炙草

一兩

川椒

去合口者三錢

剉散。每服三錢。



木香場氣丸 元戎

丁香

胡椒 各三錢 枳實 各一兩 木香 各半兩 蝎尾 各半兩 白丑 四錢

枳實

各一兩

枳實

木香

蝎尾

各半兩

爲細末飯丸菴豆大每服十九加至十五丸薑

湯下此溫行之劑治單腹脹最妙若胸脇脹

滿一身面目盡浮鼻塞咳逆清涕出當用小青

龍湯二三服分利其經卻進消脹藥

實脹

胃氣實則脹也脈大堅便閉按之痛仲景云腹滿按

之痛者爲實。可下之。經云。中滿者瀉之愈。又云下之則脹已。是也。

沉香交泰丸 治脹而大便秘結者。

沉香 橘紅 白朮 各二錢 厚朴 五錢

吳茱萸 枳實 青皮 木香

茯苓 澤瀉 當歸 各二錢 大黃 酒浸一兩

爲末。蒸餅爲丸。梧子大。每服五十九。加至七八

十九。溫湯下。微利爲度。

四妙丸 治老幼腹脹。血氣凝滯。用此寬腸順氣。

商州枳殼厚而緣背者去穢四兩四分作一用蒼朮一兩同炒

一川萊菔子一兩同炒一川乾漆一兩同炒一川茴香一兩

同炒黃後去四味只取枳殼為末以四味煎汁

煮麴糊丸桐子大每食後米飲下五十丸

### 虛脹

中氣虛衰脾胃不健而三焦痞塞是為氣虛中滿經云足太陰虛則鼓脹也其脈黃其色白其症腹脹按之不痛泄瀉腸鳴宜溫養陽氣為主塞因塞用也

### 參朮健脾湯

人參

白朮

茯苓

陳皮

半夏

縮砂

厚朴

薑製各一錢

炙草

三分

水薑煎服。一方無甘草。有麥芽山查。因甘能滿中。

## 積聚統論

積者。積累之謂。由漸而成。重而不移。聚者。聚散之謂。作止不常。痛無定所。故曰。積者陰氣聚者陽氣。

積聚之病。非獨痰食氣血。卽風寒外感。亦能成之。然痰食氣血。非得風寒。未必成積。風寒之邪。不遇痰食。氣血亦未必成積。經云。卒然多食飲。則腸滿。起居不節。用力過度。則絡脈傷。血溢腸外。與寒相搏。并合凝聚。不得散而成積。此之謂也。經論心肝腎皆有積。心曰伏梁。心下堅直如梁木也。肝曰肥氣。脇下氣聚如

覆杯也。腎曰奔豚。往來上下如豚之奔也。又有伏瘕。  
瘕聚。血瘕。伏瘕者。伏結於內。疝瘕者。衝痛如疝。瘕聚  
者。聚散不常。血瘕者。血凝成瘕也。難經又補脾肺之  
積。脾曰痞氣。氣痞而不運。肺曰息賁。響有聲也。巢氏  
又有瘕瘕之辨。謂其病不動者瘕也。雖有癖而可推  
移者瘕也。瘕者。徵也。有形可見也。瘕者。假物成形也。  
張子和又分九積。酒積者。目黃口乾。食積者。酸浸心  
腹。氣積者。噎氣痞塞。涎積者。咽如拽鋸。痰積者。涕唾  
稠粘。癖積者。兩脇刺痛。水積者。足腫脹滿。血積者。打

撲胸疼。肉積者。贅瘤核癰。各治法詳見本方。

許學士云。大抵治積。或以所惡者攻之。所喜者誘之。則易愈。如礞砂阿魏治肉積。神麴麥芽治酒積。水蛭  
蠅虫治血積。木香枳榔治氣積。牽牛甘遂治水積。雄  
黃膩粉治痰積。礞石巴豆治食積。各從其類也。若用  
羣隊之藥。分其勢。則難取效。

### 肥氣

經曰。肝之積。名曰肥氣。在左脇下。如覆杯。有頭足。久  
不愈。令人發咳。痰瘧連歲不已。茲肺病也。積氣上攻。

至肺則欬。侮所不勝也。痰癰。三日瘡也。肝所生病。爲往來寒熱。連歲不已者。積不去則瘡亦不已也。

溫白丸方局通治五積及十種水氣。八種痞氣。五種

淋疾。九種心痛。七十二種風。三十六種遁尸注

忤。癰。翻胃。噎塞。脹滿不通。

紫苑去苗菖蒲九節者吳茱萸湯洗七次焙乾

柴胡厚朴薑製各一兩桔梗去蘆茯苓去皮

皂莢去皮子桂枝乾薑炒黃連

川椒去目及閉口者微炒出汗巴豆去皮膜油人參各半兩



川烏炮去皮  
臍八錢

爲細末。入巴豆研勻。蜜九桐子大。每服三丸。漸  
加至五丸七丸。生薑湯送下。臨臥服。有孕忌服。

易老云。本方治肥氣。加柴胡川芎。

鯨甲丸 治肥氣體瘦。飲食少思。

鯨甲

一枚重四兩者。洗淨以醋和黃  
泥固濟。背上一可厚三分令乾。

京三稜

炮剉

枳殼

麩炒黃川大黃二兩  
各三兩

木香

忌火

桃仁

去皮尖雙仁川麩炒微  
黃。細研如膏一兩半。

右除鯨甲外。俱搗爲細末。後泥一風爐子。上開

凡可安鰲甲。取前藥末。并桃仁膏。內鰲甲中。用  
好米醋二升。時時旋取入鰲甲內。浸火熬令稠。  
取出藥。卻將鰲甲去泥淨。焙乾。搗爲細末。與前  
藥同和搗爲丸。梧子大。每服二十九。溫酒送下。  
空心臨臥各一服。

### 伏梁

經曰。心之積。名曰伏梁。起臍上。大如臂。上至心下。久  
不愈。令人煩心。心爲火藏。心受邪。則火內鬱而煩也。  
溫白丸。加石菖蒲。黃連。桃仁。

桃奴散 治伏梁氣在心下。結聚不散。

桃奴 三兩

爲末。空心溫酒調下一錢。桃奴是桃實著樹不落。正月中採者是也。

痞氣

經曰脾之積名曰痞氣。在胃脘。覆大如盤。久不愈。令人四肢不收。發黃疸。飲食不爲肌膚。脾氣行乎四肢。脾氣既痞。四肢無以受氣。故不收。不收猶不舉也。脾色黃而合肉。氣痞不運。熱鬱於中。故黃色外見。而肌

膚日削也。

溫白丸

加吳茱萸乾薑。

息賁

經曰肺之積名曰息賁。在右脇下。覆大如孟。久不已。令人灑淅寒熱。喘咳發肺壅。肺主氣而合皮毛。肺鬱成積壅於內者不能衛於外。故灑淅寒熱痺於上者。不復降於下。故喘咳發肺壅。壅癰也。

溫白丸

加人參紫苑。

奔豚

經曰腎之積名曰奔豚。發於少腹。上至心下。若豚狀。或上或下。無時。久不已。令人喘逆。骨痿少氣。腎爲水藏。而喜凌心。故上至心下。奔突如豚。腎居下焦。而善逆。故令人喘逆。腎合骨。而爲氣之根。故骨痿少氣。

溫白丸 加丁香茯苓遠志。

### 氣積

氣滯成積也。凡憂思鬱怒。久不得解者。多成此疾。故王宇泰云。治積之法。理氣爲先。氣既升降。津液流暢。積聚何由而生。丹溪乃謂氣無形。不能作聚成積。只

一消痰破血爲主。誤矣。天地間有形之物。每自無中生。何止積聚也。戴復菴只以一味大七氣湯。治一切積聚。其知此道歟。

### 大七氣湯

香附一錢半

青皮

棟皮

桔梗

官桂

藿香

益智

菰蘆

三稜

各一錢半 甘草七分

爲末。每服四五錢。薑三片。棗一枚。水煎服。用

積肥氣。用前湯煎熟待冷。卻以鉄器燒通紅。以

藥淋之。乘熱服。肺積息賁。用前湯加桑皮半  
夏杏仁各五分。心積伏梁。用前湯加石菖蒲  
半夏各五分。脾積痞氣。用前湯下紅丸子。  
腎積奔豚。用前方倍加茴香炒楝子肉。此濟  
生方也。指迷有半夏無三稜。統旨有元胡  
索薑黃草薤無桔梗。

血積

痛有定處。遇夜則甚。其脈芤澀。婦人產後及跌撲努  
力者。多有此症。或憂怒傷其內。風寒襲於外。氣逆血

寒凝結成積。內經云。卒然外中於寒。若內傷於憂怒。則氣逆六輸不通。溫氣不行。凝血蘊裏而不散。此之謂也。

加減四物湯 東垣 治婦人血積。

熟地 當歸 川芎 芍藥

肉桂 廣皮 三稜 乾漆 炒煙盡 各等分

爲粗末。每服二錢。水煎服。丹溪當歸丸。無桂漆。有神麴。百草霜酒和丸。

虛癥



經云。小腸移熱於大腸。爲伏瘕。河間云。大腸熱氣。苑結。津液消耗。腹痛秘澀。栝榔丸主之。

### 栝榔丸

栝榔

大黃

剉碎炒

枳殼

麩炒各二兩

木香

桃仁

去皮尖炒

大麻仁

另研各一兩

爲末。蜜丸。桐子大。每服十九。至十五丸。溫酒下。無時。

### 石瘕瘕聚

石瘕者。瘀血留止。結硬如石。卽血瘕也。經云。寒氣客

於子門。子門閉塞，氣不得通，惡血當瀉，不瀉，衃以留止。日以益大，狀如懷子。月事不以時下，皆生於女子。可導而下，亦名瘕聚。經云：任脈為病，男子七疝，女子瘕聚，此之謂也。

新定

大黃

三錢用酒同三棱蓬朮浸一宿去稜朮不用炒桃仁三十粒去

肉桂

三錢附子四錢木香一錢青皮二錢

當歸

五錢乾漆二錢半  
炒煙盡

為末，酒糊丸。桐子大，每服五十丸，淡醋湯下，溫

酒亦可。

米穀

乾德中。浙江有慎恭道。肌瘦如勞。惟好食米。缺之則流清水。情似憂思。食米頃頃復如常。衆醫莫辨。後遇蜀僧道庶。以雞屎及白米各半合。共炒爲末。水一盞調服。良久。病者吐出如米形。遂差。其病爲米瘕是也。

肉積

阿魏丸

阿魏

山查肉

各一兩

連翹

五錢

黃芩

六錢五分

米穀肉積

右三味爲末以阿魏醋煮爲糊丸如梧子大每服五六十丸食前白湯下。

又治肉積蟲積一應難消難化腹中飽脹疼痛皆

能取效如神不傷元氣元珠名積塊丸

京三稜 莪朮並醋炒 自然銅

蛇含石並醋淬七次各二錢 雄黃 蜈蚣全用焙燥各一錢二分

木香半錢 辰砂 沉香各八分 鉄花粉川米醋炒一錢

天竺黃 阿魏 全蝎洗焙乾 蘆薈各四錢

冰片 五分

右爲極細末。用雄猪胆汁煉爲丸。如梧子大。每服七八分。重者一錢。五更酒送下。塊消卽止。不必盡劑。川黑狗胆汁尤妙。

通治諸積

宣明三稜湯

治癥瘕疝癖。積聚不散。堅滿痞

脹。飲食不下。

京三稜

二兩

白朮

一兩

蓬朮

當歸

各半兩

枳殼

木香

各七錢半

爲末。每服三錢。沸湯調下。

三因散聚湯 治九氣積聚狀如癥瘕隨氣上下發則心腹絞痛攻刺腰脇小腹膜脹大小便不利。

半夏

枳櫚

當歸

各七錢半

厚朴

薑製

枳殼

茯苓

附子

炮

川芎

吳茱萸

湯炮

炙草

各一兩

杏仁

去皮尖麩炒

桂心

橘紅

各二兩

爲末每服四錢水一盞薑三片煎七分空心溫

服大便不利加大黃。

諸積太倉丸

陳倉米

四兩

以巴豆

二十粒

去皮同炒至米香豆

黑分令米焦去豆不用再入橘紅

四兩

爲末和

九桐子大薑湯送下五九日二。

萬病紫苑丸

卽溫白丸加羌活獨活防風。

萬病感應丸

卽溫白丸減去川椒加下藥。

羌活

三稜

甘遂

杏仁

防風

各一兩五錢

威靈仙

一兩

門人

平舟沈安伯

星門陳步雋

全校字

珊圖南

男

龍翔召南